

堅

瓠

集

堅瓠九集卷之二目錄

張元鑒

慈仁寺絕句

清涼寺壁詩

青雀詩

黃葉桐花

唐詞無換頭

鞋襪稱兩

巡撫題署

二喬觀兵書

觀潮

酒評

鬼吟詩

楊妃襪

輕雲餘髮

濯手倚松

百歲坊

袁汝兩先生

板隸

陳通判

曆日後甲子

土神作伐

功名預定

雷震譙樓

木牛流馬

星變

官禁婦女燒香

神女贈詩

方干舊隱

李霜涯

詩刺貪徒

閭草

打行

脉望

三西湖

買愁村

珮袋

官司俚語

陳謬解由

活取心肝

勛九梨

千家詩謔語

嘲王安國

常處士

改清明詩

太監吟詩

慧業先生志銘

大蘭王九錫文

冊虎文

龍圖學士

歲考生童

西湖水合

看花諭

翰林諺嘲

徐淵子詞

撒酒風詩

三不要

高麗詩

勢利詩

乞巧

鄭唐談話

賀啓草詔

堅瓠九集卷之二

長洲石農褚人獲學稼纂輯

張元鑒

亦巢偶記張元鑒名國經本嘉定婁塘人少任俠好拳勇皆稱婁塘張二偶爲某青衿所叱辱遂專心時藝得補弟子員與少年名士交仍以拳棍俠氣著名西樓記中脩長公卽其人也後以疑事繫獄久而得

山年七十餘將死口占一詩曰學書學劍
兩茫茫六十年來十萬鵬龍戰未休騎鶴
去且從冥漠看滄桑時在鼎革初也此詩
氣槩劃足副其生平

慈仁寺絕句

慈仁寺東廊下有無名氏兩絕句故宮高
與碧山齊無數垂楊接御堤玉輦不來花
落盡鴈鷹臺上鳥空啼 新甃湯泉咽不

流繚垣欹側野棠秋月明深鎖長生殿夜
半無人誓斗牛詞意悽惻真傑作也

清涼寺壁詩

金陵清涼寺壁上有詩乃題贈一僧名掃
葉者其詩云拈花久礙人天眼掃葉猶留
解脫心何似無花并無葉千山明月一空
林頗於宗門有會不知誰作也

青雀詩

夏子喬諫幼學於姚鉉使爲水賦限以萬
字諫作三千字呈鉉鉉怒不視曰汝何不
於水之前後左右廣言之諫益之得六千
字鉉喜曰可教矣後善屬文爲時所稱擢
制科除館職數爲御史糾劾諫疑時宰諷
旨作青雀詩寄諫院張昇云弱羽傷弓尚
未完孤飛誰敢擬鴛鴦明珠自有千金價
莫與他人作彈丸

黃葉桐花

說鈴崔孝廉嘗得句云黃葉聲多酒不辭
王阮亭賞之目爲崔黃葉阮亭有和李易
安韻蝶戀花詞長安士大夫稱王桐花固
不可無崔黃葉作配詞曰涼夜沉沉花漏
聲欹枕無眠漸聽荒雞動此際閒愁郎不
共月移窓罅春寒重憶共衾稠無半縫
郎似桐花妾似桐花鳳往事迢迢徒入夢

銀箏斷絕連珠弄

唐詞無換頭

南唐張泌有江城子二闕碧闌干外小中
庭雨初晴曉鶯聲飛絮落花時節近清明
睡起捲簾無一事匀面了沒心情又浣花
溪上見卿卿眼波明黛眉輕高綰綠雲低
簇小蜻蜓好是問他來得麼和笑道莫多
情黃叔暘云唐詞多無換頭如此詞是兩

首故兩押明字情字今合爲一則誤矣

鞋襪稱兩

升菴詞品高文惠妻與夫書曰今奉織成
襪一量願着之動與福并量當作兩詩葛
履五兩是也無名氏踏莎行詞

按詞調寄
步蟾宮

末云夜深着輞小鞋兒靠着屏風立地輞
網兩古今字也小詞用毛詩字亦奇

延撫題署

明鄧陽劉芝陽

應麒

巡撫吳中告終養歸

臨發題詩署中曰來時行李去時裝午夜
青天一柱香描得海圖留幕府不將山水
帶還鄉可謂清風兩袖者矣

二喬觀兵書

雪濤詩評有題二喬觀兵書圖云香肩並
倚讀兵書顧畧原非中饋宜千古周南風
化未勝涼何不讀閑雅亦雅致可喜

觀潮

熙朝樂事杭人觀潮自八月十一日爲始
至十八日最盛因宋時以是日教閱水軍
傾城往看非謂江潮特大於十八日也是
日郡守以牲醴致祭於潮神而士女雲集
僦倩幕次羅綺塞塗十餘里間地無寸隙
伺潮上海門則洄見數十執綵旗樹画傘
踏浪翻濤騰躍百變以逞材能豪民富客

爭賞財物優人百戲擊球鬥撲魚鼓彈詞
聲音鼎沸瞿宗吉看潮詞云嘉會門邊翠
柳垂海鮮橋上赤欄啟行人指點山前石
曾刻先朝御制詩出郭遊人不待招相
逢都道看江潮今年秋暑何曾減映日爭
將画扇搖一線初看出海遲司封祠下
立多時須臾金鼓連天震忙殺中流踏浪
兒墟頭酒美勸人嘗紫蟹初肥綠橋香

店婦也知非俗客
奚奴背上有詩囊
沙河塘上路岐賒
扶醉歸來日已斜
怪底香風來不斷
擔頭插得木樨花
步入重門小院偏
金猊飛裊夜香烟
家人笑問歸何晚
已備中秋賞月筵

酒評

袁中郎既爲觴政
復與方子公輩以
飲戶相角因爲酒
評劉元定如雨後
鳴泉一往

可觀音其易竟陶孝若如俊鷹獵虎擊搏
有時方子公如游魚呷浪喝喝終日丘長
孺如吳牛噬草不大利快容受頗多胡仲
修如徐孺風情追念其盛時劉元質如蜀
後主思鄉非其本情袁平子如五陵少年
說劍未識戰場龍君超如德山未遇龍潭
時自着勝地袁小修如狄青破崑崙關以
奇服衆

鬼吟詩

大中丞商丘宋公，筠廊偶筆載闖賊陷
京師，有中州士人被掠者言：昔破某邑，與
一士人共住，一大家樓下，時當暮春雨中，
對酒聯句。其人首倡云：風風雨雨送春歸。
忽聞樓上續一句：無雨無風春亦歸。兩人
默然拱聽。徐云：蜀鳥啼殘花影散，吳蠶食
罷柘陰稀。嘴邊黃淺鶯兒嫩，頰下紅深燕

子肥獨有道人歸不得杖頭長掛一蓑衣
兩人登樓視之絕無人踪惟飛塵盈寸而
已列朝詩亦載是作與此小異

楊妃襪

顧俠君秀野草堂詩社有分和元人詠物
題內楊鐵崖詠楊妃襪云天寶年來窄袖
留幾隨錦被煖香篝月生簾影初絃夜水
漫蓮花一瓣秋塵點翠盤思亂滾香拈金

銚憶微甿懸知賜浴華清日花底綢兒碧
眼偷余叔蒼書曰楊妃襪以馬鬼遺事傳
不得作宮中淫褻語因爲詩云馬鬼遺襪
窄勾傳蓮瓣輕紅尚宛然天子蒙塵曾共
走諸姨墮翠不同憐空悲隻錦難尋對臙
有多情爲奉錢一自亂離收拾得再回宮
寢是何年俠君大爲歎服○堯山堂載越
中詩社鐵崖題楊妃襪有安危豈料關天

步生死猶能繫俗情之句詩集不載

輕雲餘髮

謝氏詩源輕雲髻髮如漆而長每梳頭立於榻上髮猶拂地已綰髻左右餘髮各粗一指結束作同心帶垂於兩肩以珠翠飾之謂之流蘓髻於是女子多以紅青絲效其制少陵贈美人詩曰
箇屑揚折柳衣髮掛流蘓

畢子倚松

碣石劉談浙省城南班巷徽商吳景寓焉
商止三女及笄擇配未諧所願萬璽乙酉
仲秋望後夢龍戲爪水中次日姚江徐應
登以儒士應試畢偕友過商門友指謂徐
曰此家貲財巨萬有女來配意得佳士不
計貧富也兄縱末第應試入學非佳士乎
我素識其人請爲作伐兄少俟遂入言于

商商雖口諾而意未允其友曰此見在外
試一覘之送及門徐適濯手水壺中商以
符所夢欣然許之遂請友玉成友語徐徐
欲俟歸具禮聘之商乃出金使質焉及放
榜果中式十一名辛丑成進士。萬歷中
安慶劉尚志以方伯告歸遘同年某督學
政兩子皆置劣等劉不能平使人讓之督
學送卷于劉且云年兄在家何所事而不

訓子劉見卷大怒遂萌蓄妾生干之念薄
游揚州偶至一所見池上蒼松可愛倚松
桓盤主人出見大驚訊知其意遂以愛女
許爲妾蓋夜適夢龍倚蒼松也生才若宰
戊辰魁天下若宜丁丑成進士

百歲坊

侯官林德敷

春澤

正德甲戌進士戶部主

事遷員外郎疏諫南巡山守南安生干成

化庚子至萬曆己卯一百歲劉中丞商御
史爲建人端坊德敦謝詩云翠旗谷口萬
松風瑞應猶存一老翁詎意夔龍黃閣上
尚隣鳳綺白雲中擎天華表三山壯醉日
桑榆百歲紅願借未光垂晚照康衢朝暮
頌華封又四年卒子應亮嘉靖乙未進士
以戶部侍郎侍養年亦八十六卒孫如楚
嘉靖乙丑進士工部侍郎卒年八十二

袁時雨先生

我郡袁玄海一鯨時廬山道濂雨先生皆
道學士萬曆中與先大父交最厚一日袁
忽曰吾生平所不能及者一人時問何人
袁曰范文正公讀書醴泉寺中啜菹粥見
藏金覆而不取若予則不免動心矣時曰
此事余猶能之余所不能及者亦一人袁
問何人時曰司馬溫公夜坐讀書侍婢捧

臣等
卷二
茶至問公曰相公讀何書公正襟對曰漢書此則余所不能也財色移人如此

板隸

蓉塘詩話宣德中全椒章惠知溫州平陽縣奉公愛民理繁就簡凡百公務不差隸卒勾攝止用粉板背繪刻隸卒甲乙爲次傳遞勾攝題其板曰不貪不食與民有益人隨牌至庶免譴責人咸信服不敢稽違

由是案牘清簡囹圄空虛今紙皂雖設而
隸卒之需索如故名存而實亡矣

陳通判

杭州陳履信信任大理寺評事陞我郡通
判在任二年有惠政廉而公直正統十六
年年六十六乞致仕囊橐蕭然某以重贐
追送毫無所取郡人杜琦以詩送之曰公
辭榮祿賦歸田又卻蘇民餽贐錢一任此

生食至骨只留清節與人傳

歷日後甲子

宋至道二年司天楊文鑑言曆日後六十
甲子之外更留二十年太宗以爲當存兩
周甲子共成上壽之數使期願之人猶見
所生年號司天奉旨遂爲定式不知何時
又止留六十也但年過六十不見所生便
覺凄然有物化之感太宗之慮深矣

土神作伐

興化李石麓

春芳

幼時初上村塾一負薪

者偶憩於土地祠門闕上忽聞廟中語曰
今日李狀元上學當掃除街道負薪者起
視廟中寂無人遂復坐頃之又聞神語曰
李宰相來矣可速掃除俄而疾風吹捲街
衢潔淨負薪者異之因坐候見一人携一
童捧書包而至遂同送至學中間其年庚

深相結納不告以故以女許字之後縣中
缺門子人以李名報遂黜八師以其聰俊
言於縣令令留與兒子伴讀應試八泮人
有諷其解負薪之如者石麓堅拒之未幾
登魁選入宰輔並不置妾媵今子孫濟濟
科第不絕皆負薪女之所自出也

功名預定

吾郡周子靜名奎天啟末父以吏員爲某

縣典史衙署有大樹僕偶溺其上樹神附
其身大怒曰何爲汚我當殺之與史具公
服拜求之神曰爾小官誰理汝時長子子
丹名歿年逾弱冠已遊庠荃亦總角乃試
令二子拜求神曰旣憲副公拜懇姑恕之
僕遂無恙葵意憲副謂已甚自矜詡及鼎
革時金陵失守荃安撫蘇州有功命爲開
封守陞青州兵備竟符憲副之稱

雷震譙樓

萬曆乙未三月廿九日雷震閭門譙樓西
南螭首劈碎柱石適是日吳邑侯袁中郎
宏道上任先是民間謠曰吳縣知縣到霹
靂震得暴分付閭門人家家有響報豈郎
官上應列宿天戒以示警與然在任二年
寄情詩酒吳中名勝題詠殆遍改任順天
府學教授陞吏部郎中

木牛流馬

武侯居隆中客至命妻黃氏具麪項之麪至侯怪其速後潛窺之見數木人斫麥運磨拜求其術變其制爲木牛流馬云

星變

萬曆丁丑十月有星孛西南歷箕尾光芒亘天狀若練氣成白虹星家占言不一適張江陵聞父訃不奔喪請留京守制臺省

及翰林交章劾奏江陵諷中貴捏旨杖戍

吳中行等人情洶洶且有榜帖揭之通衢

云居正身不正用賢相不賢檢討趙用賢思考

忠當盡刑部主政沈思考中行道始全編修吳中行蓄

艾能醫病刑部員外艾穆元標欲轉天進士鄒元標五

賢一不肖干載定須傳風聞宮掖始知江

陵之奸未幾居正死籍沒其家長子禮部

自殺赦宥謫戍諸臣復其官星異遂滅

官禁婦女燒香

康熙庚戌之春巡撫馬公嚴禁婦女燒香
朱望子先生戲作竹枝詞云城中名勝路
非遙北寺玄都盡寂寥灌口二郎任土地
一時香火半蕭條 大家行徑不尋常遊
伴尼姑定一行只此三春坐閨閣菴中閒
殺女陪堂 巧將時服闢新裝一任裁縫
索價昂可惜月華裙製就空教摺疊貯衣

堅瓠集

卷二

六

五

箱

高頭爭刷牡丹奇

時尚高髻名牡丹頭

粘膩窮

搜草木脂料得葵枝與桐樹今年多剩梗

和皮

虎阜春殘開未闌山僧日逐麗人

看而今無復撩雙眼入夜應教睡夢安

施主佳人女奉陪驅除先怕令如雷四宜

堂後青帘內遊客休將首更回

玄墓四宜堂側內眷

及尼留宿處

古剎名山盡寂然画船閒泊市湖

邊天公似解閨中悶積雨春光已半捐

神女贈詩

盛弘之荊州記官亭湖廟神甚靈塗旅行
過無不祈禱能使湖中分風而帆秦少游
宿湖邊惜竹軒夢神女贈詩云不知水宿
分風浦何似秋眠惜竹軒聞道文章妙天
下廬山對面可無言

方于舊隱

浙江桐廬縣西有白雲村唐方干故居子

孫至宋猶盛范文正公詩風雅先生舊隱
存子陵墓下白雲村唐朝三百年冠蓋誰
聚詩書到子孫

李霜涯

委巷叢談杭城西湖遇旱亦嘗龜圻宋嘉
熙庚子西湖水涸茂草生焉官司祈雨無
應李霜涯戲作一詞云平湖千頃生芳草
芙蓉不照紅顛倒東坡道波光瀲灩晴偏

好邏者廉捕之遁跡不知所往

詩刺貪徒

客座新聞富陽俞克明既宦而隣家有田
與他塋相連每歲令人侵其畔鄉民苦之
族人俞古章賦詩一絕云一年一寸苦相
侵一尺元來十度春若使百年侵一丈世
間那有萬年人

閩草

熙朝樂事抗城春日婦女喜鬥草之戲黃
子常綺羅香詞云綃帕藏春羅裙點露柑
約萼花叢裏翠袖拈芳香心笋芽纖指偷
摘遍綠徑烟霏悄禁下回欄紅紫掃花堦
褥展芙蓉瑤臺十二峰仙子芳園清晝乍
永亭上吟吟笑語妬穠誇麗奪取等多贏
得玉鐺瑜珥凝素靨香粉添嬌映黛眉淡
黃生香粉胎帶空繫宜男情郎歸也未

打行

亦集偶記打行聞興於萬曆間至崇禎時尤盛有上中下三等上者卽秀才貴介亦有之中者爲行業身家之子弟下者則遊手負擔里巷無賴耳三種皆有頭目人家有鬪毆或訟事對簿欲用以爲衛則先囑頭目頃之齊集後以銀錢付頭目散之而頭目另有謝儀散銀錢復有扣頭如牙儉

上卷之二
然故曰行也。鼎革以來，官府不知其說，而吏胥又不曉文義，改作降字。但此輩惟得錢爲人効力耳，何嘗欲人之降？此予少時所親見。今此字久而不變，故記之。

脉望

原化記建中末，書生何諷買得黃紙古書一卷，讀之，卷中得髮捲規四寸，如環無端。諷因絕之，斷處兩頭滴水，升餘燒之作髮。

氣諷言於道者道者歎曰君固俗骨遇此
不能羽化命也仙經云蠹魚三食神仙字
則化爲規名曰脉望夜以規望當中天星
使立降可求還丹取此水和而服之卽
時換骨上昇因取古書閱之蠹漏數處尋
義讀之皆神仙字諷乃歎服

三西湖

蘇東坡連守潁杭二州皆有西湖其初得

穎也有穎人在坐云內翰只消遊湖中便
可了郡事及守杭秦觀有詩云十里薰風
菡萏初我公所至有西湖却將公事湖中
了見說官閒事也無後謫惠州亦有西湖

買愁村

買愁村在瓊州府臨高縣南宋胡邦衡有
北往常思聞喜縣南來怕入買愁村區區
萬里天涯路野草荒烟正斷魂

佩袋

窺天外乘珂璫玉珮之制原無紗袋嘉靖
中世廟升殿尚寶司卿謝敏行捧寶玉珮
飄飄與上珮勾連不脫敏行皇怖跪上命
中官爲之解而敏行跪不能起又命中官
掖之赦其罪因詔中外官俱製珮袋以防
勾結縉紳便之獨太常寺官以駿奔郊廟
取鏗鏘聲不獲如故

官司俚語

今世官司各有俚語以寓譏評如唐校書與正字俸祿微少皆孤寒英傑居之至騎驢入省而大祝奉禮月請明衣絹布及胙肉俸祿倍多乃公卿子弟居之衣馬比校正頗輕肥時有語曰正字校書詠詩騎驢奉禮太祝輕裘肥肉又春風堂隨筆兵部四司曰武選武選多恩多怨職方職方最

窮最忙車駕車駕不上不下武庫武庫又
閒又富他衙門尚多惜不得其詳蓋自宋
卽有之元豐時語曰吏勦封考筆頭不倒
戶度金倉日夜窮忙禮祠主膳不識視判
兵職駕庫典了襖袴刑都北門總是冤魂
工屯虞水白日見鬼南渡後時事不同又
爲語曰吏勦封考三婆三嫂戶度金倉細
酒肥羊禮祠主膳啖葷吃麩兵職駕庫敲

薑呬醋刑都北門人肉餽飽工屯虞水生
成餓見○國子監自祖宗來例不刷卷故
諺曰金祭酒銀典簿正德戊寅陸儼山轉
司業適祭酒缺得旨署印稽考錢糧其實
空虛典簿廳至起息揭債陸問前祭酒石
熊降云自來如此陸遂舉劾典簿王勤黜
之適送供堂皂隸銀至色如黑銅儼山笑
曰正好謂之銅司業聞之絕倒

陳謬解由

癸辛雜識陳古直謬號野水爲越學正任
滿往婺之廉司取解由歸途偶憩山家有
長髯野叟方搗杓子作油見客至遂少輟
相問勞曰君亦儒者耶持茶飲之間今將
何往對以學正滿替欲倒解由別注他缺
叟忽作色而起曰子自倒解由我自搗杓
油遂操杓曰不復交談陳異而詢於隣人

云此傳秀才隱者也惡君言進取事耳陳
心規之因賦詩云忽遇溪山避世翁居然
沮溺古人風老來一出爲身計不滿先生
一笑中

活取心肝

宋太宗時一宮女踰垣潛出捕獲太宗遲
違不欲殺之然恐無所懲皇城使劉承規
會其意奏曰法不可容臣須是活取心肝

進呈卽時領出潛納尼寺中遠嫁之旋取
猪心肝一具盒子貯來六宮圍而哭之良
又密揭以慰太宗由是宮掖肅然

斤九梨

豫章漫抄吾鄉諺云觔九厘觔八厘以目
時人之精慧者言其思筭無遺也不知所
本弋陽德興產梨最大有至一觔九兩者
土人謂之斤九梨觔八梨以類言之也

千家詩話語

中朱望子先生館於溪陸氏鼎革後
亦時往陸必留飲一日從陸歸途遇一友
問先生何來先生曰陸家留酌而來先生
亦問何往友曰今夕舍甥女出閣往家姊
處送親耳先生曰然則予與兄合千家詩
兩句子則一水護田將綠陸繞君則兩
山排闥送青親來也相與撫掌大笑

嘲王安國

青箱雜記王安國俊邁而貌陋黑肥熙寧
中與吳處厚同官洛下嘗謂吳日子可作
詩贈我吳援筆戲之曰飛卿昔號溫鍾萇
思道通俛還魁肥江淹善啖筆五色虀信
能文腰十圍只知外貌之粉澤誰料滿腹
填珠璣相逢把酒洛陽社不管淋漓身上
衣安國見詩不悅

常處士

墨客揮犀歐陽永叔在政府將求引去作
詩寄頌陰隱士常秩其略曰笑殺汝陰常
處士十年騎馬聽朝雞及致仕還頌又贈
秩曰賴有東隣常處士扱簑帶笠伴春鋤
既而王介甫秉政遂以右正言直史館召
秩秩遂起先是歐公既致政凡賓客上謁
率以道服華陽巾便坐延見秩授官來謝

公乃披衣束帶正寢見之明年秩拜侍講
判國子監有無名子改前詩作秩寄歐公
曰笑殺汝陰歐少保新來處士聽朝雞又
口昔日賴陰常處士却來馬上聽朝雞

改清明詩

順治乙酉夏秋之交人家皆避居山野塋
師盡失館有人改千家詩云清明時節亂
紛紛城裡先生欲斷魂借問主人何處去

館童遙指在鄉村詩亦自然無少勉強且
清明二字適符國號爲更合也

太監吟詩

嘉隆間內官薛某採辦江南喜言詩因與
士紳歛洽臨行諸公以詩別薛連道
你也做詩送老薛我也做詩送老薛衆
揄之而止將解維衆促吟畢乃云溪塘兩
岸蓼花紅盡是離人眼中血衆乃歎服

慧業先生志銘

鸚鵡生年不可考。范長公子範以庚寅秋
得之海上。其卒則壬辰冬。長至前之九日
也。長公精廬一椽。陳設圖史。茶鐺酒竈。無
所不具。旁置鸚鵡。每賓客滿座。或吐佳言
如屑。或歌名章麗語。鸚鵡卽從旁婉轉唱
和。若會心者。性尤喜雨。時或霖霖一簾。佐
以淒飈梨花寂寞。爐烟欲死。輒昂首鼓翅。

而舞翠鬋低回不啻玉人一部霓裳羽衣
釵橫髻墮也若深更沉籟明月窺人或鳴
短琴或吹紫簫復出其長音餘弄與焦桐
枯竹相應能令羈客拊心孀姬飲血長公
絕愛重之一時雅游無不知長公家有鸚
鵡者等於處宗之鸚逸少之鵝元康之燕
龜蒙之鳬矣一日鸚鵡忽無疾而死長公
悼悵幾廢寢食因檢開元時華清進御有

白鸚鵡上與玉妃呼爲雪衣孃尋爲蒼隼
所斃玉妃傷之賜瘞苑中名鸚鵡塚長公
謀所以附麗其事於華清者園亭有隙地
擇竹間一隅壘石玲瓏名花如綉芳草如
茵盛以漆棺文綉賓客黃君駿等咸白衣
冠而葬之長公復憐其生平以多謚自取
羅綬與同人爲之謚曰慧業先生嗚呼先
生至是可謂不負其明慧善聰矣旣葬坐

客有誇余以痊鶴銘者因卽塚邊殘石繫
其事而勒之銘余銘不知視華陽真逸孰
爲後先然千古山陰墨妙于今絕矣華表
遊魂不笑鸚鵡爲季之所得孰與仲多乎
并爲鸚鵡一慨銘曰汝舌如簧而不免於
銀鐙汝身如綺曾不得山居而巢處吾葬
汝以盈尺之棺一坏之士令汝差勝乎朝
負青雲名調鼎俎雖未永年宛得其所

大蘭王

宋袁淑排諧集

隋藝文志作排諧

有大蘭王九錫

文大亥十年九月乙亥朔十三日丁亥北

燕伯使使者豪豨冊命大蘭王曰浴惟君

稟大陰之沉精標辟形於元質體肥腩而

洪茂長無心以遊逸資參養於人主雖無

爵而有秩此君之純也君昔封國殷商號

曰豕氏葉隆當時名垂後世此君之美也

白蹟彰於周詩涉波應乎隆象歌詠垂於
人口經千載而流響此君之德也君相與
野游唯君爲雄顧群數百自西徂東俯歎
沫則成霧仰奮鬣則生風猛毒必噬有敵
必攻長驅直突陣無全鋒此君之勇也茲
以覃恩錫之冊命世長遠東永鎮亥市○
一名魯津伯見夢燕相事一名烏將軍鄉
人歲爲將軍娶婦有傳又名長隊將軍

冊虎文

王元美熾爲冊虎文制語丞相白額侯斑
勇惟乃祖乃父叔皮仲升文武交暢世濟
其美以光有漢君金天降獄樞星散精少
負雄氣長炳文理帝褒予以右弼使嬋於
青龍氏彼不寧乃職以干予之罰君孜孜
夙夜秉德陪佐出張爪牙入幹股肱祈父
召叔惟君一人今將奉君之烈揚于大庭

其敬聽予命君昔守宣城黔首飽于芻豢
不克樹義乃改張舊服閭右削迹使君之
懿稱定被遐邇君之功德一也泰山之傍
民迫苛政聿來胥宇君以法刑其三世依
依不舍昔董宣秉憲鯨鯢伏誅夷吾啓封
伯氏沒齒君之功德二也梁益之間僂虫
爲災宴如剪刈道絕行李君之功德三也
東海黃公詭妖挾詐君神武逆折赤力不

行宛渠授首君之功德四也晉守至忠衷
甲栗馬冀逞其欲君挾秘計以授九尾之
校使與二噓噫滕六降祥逆折厥謀種類
還定君之功德五也復有畸峻單豹盜太
乙之寶君廻照奮威罪人斯得陽貨之誅
光于前魯君之功德六也度索之山穆壘
神荼稟服大教執除妖鬼以供掃除之役
洞幽達遐無所不靡君之功德七也君有

七德功實配焉章以殷殷視之兢兢又篤
啓象賢之體奔走禦侮九有之內羽毛齒
革輻輳闐闐凡有血氣莫不神明豈唯予
一人是效昔尚父非熊在輶鷹揚繁纓垂
露革履彤弓以大表東海世世子孫咸血
食也君之威烈視彼有光而封號不加無
以稱予一人之意今遣御史大夫宋鵬侍
中胡紫敬奉冊封君爲南山公進號素威

上將比於天子扶桑之西葱嶺之東雁門
之南象郡之北諸非國家湯沐者悉以統
看食邑諸少贍具賜冠邑食有差有司毋
得檢問仍遺君養牛千頭上尊糗糒五日
尙方致異味予有不令之臣曰神羊恃其
惠文以陽排觸君悉付之理君其安意攝
精神加飯食以佐予不逮

龍圖學士

泊宅編舊制直龍圖閣謂之假龍龍圖閣
待制謂之小龍龍圖直學士謂之大龍龍
圖學士謂之老龍然帶此職例呼龍圖本
閣學士朝廷尤重少除授授此職者遂呼
龍圖近除直秘閣者尤多兩浙市舶張苑
進篤祿香得之號篤祿學士運判蔣彛應
副朱冲葬事得之號忤作學士越州通判
魏崇志獲盜黃鳥背得之號賊學士

歲考生童

吳復庵咏歲考生童駐雲飛志氣軒昂忽
聽呼名直上堂行走真舒暢答應偏清亮
紫花朵白銀粧紅綾飄颺鼓樂喧天是隸
都稱獎童僕跟隨也有光等一心下躊躇名
姓纔呼意稍舒如插雙飛翅也有三分趣
珠領賞向前趨絨花齊樹鼓吹低聲送出
儀門去此上不足下有餘紫焦躁憂疑兩

脚高撐望眼迷叫的無陽氣應的無佳味
啖高下總休提過庭而已鼓樂無聲空把
絲絳繫無辱無榮寂寞歸三真箇蹊蹊新
進高年各討饒文字原顛倒疾病應昏耄
啖自古法難逃用撰作教雖不傷譬示辱
還堪惱掩耳吞聲忍這遭翻到此難提失
志消魂落水雞求打聲如沸賜打甘如饴
啖那肯聽憑伊從無此例卸下衣巾烏帽

青衫已半在醫官半社裏

五

短歎長吁今

日頭巾是了期戴你曾歡喜別你何容易
嗟老大總傷悲原無意味增廩多年落得
添雙翅出學歸田任所之欸據狀申文勉
納銀錢出學門冠帶無風韻名色無憑准
嗟贏得好傳神烏紗白鬚頭角崢嶸孫子
應難認問道尊官是恁人緩年老家貧志
氣難伸命又屯要中身難進要退心難忍

紫仔細自評論這條路穩完節全名免得
親朋哂也不生員也不民告衣新進儒童
文字粗知運偶通彩帳街前擁盤盆門前
迭紫氣象忒英雄價高聲重且請從容休
得齊喧哄多少窮酸沒此中新進到底成空
任卻鑽謀囑托功貴的書爭送富的銀爭
用紫兩考興匆匆一場春夢說嘴揮拳前
日何其勇今日裏扣尾垂頭不見踪童

西湖水合

麥巷業談元至正間西湖水合張仲舉賦
詩云西湖雪厚冰徹底行人徑渡如長川
風吹鹽池結陰鹵日射玉田生暖烟魚龍
穴裏寒更縮鷗鷺沙頭饑可憐安得長水
通滄海或欲三島求神仙

看花諭

田子藝於花開日大書粉牌懸諸花間曰

名花猶美人也可玩而不可褻可賞而不
可折損葉一片者是裂美人之裳也掐花
一痕者是撓美人之膚也拗花一枝者是
折美人之肱也以酒噴花者是唾美人之
面也以香觸花者是薰美人之目也解衣
對花狼籍可厭者是與裸裎相逐也近而
覷者謂之盲屈而嗅者謂之癡語曰寧逢
惡壠無殺風景論而不省誓不再請

翰林諺嘲

客座新聞河東邢祭酒讓以錢糧累罷官
翰林諸公因作諺語嘲之曰邢先生初入
翰林夢其鄉土神賀曰玉皇若問人間事
只說文章不值錢及官太學復夢土神賀
曰喜中青錢選才高壓俊英迨錄事又夢
云清風明月不用一錢買玉山自倒非人
推皆用錢字邢甚銜之

徐淵子詞

癸辛雜識天台徐淵子似道初官戶曹其
長方以道學自高每以輕銳目淵子淵子
積不能堪適其長丁母憂去淵子賦一剪
梅云道學從來不則聲行也東銘坐也西
銘爺娘死後更伶仃也不看經也不齋僧
却言淵子大狂生行也輕輕坐也輕輕他
年青史總無名我也能亨你也能亨也

方言

撒酒風詩

友人傳撒酒風詩

俗作殺朱望子
先生云合作撒言母舅

撒酒風事可佐一噱詩云娘舅常常撒酒

風今朝撒得介恁克踢翻兩箇糖攢盆踏

癩一雙銀酒鍾面孔紅來乾急迸

俗音暢
亮切

搔頭白得贏

窠髮鬆傍人問道像何物好

似跳

條神馬阿公

三不要

筠廊偶筆載一年老令君大書縣治之前
曰三不要註之曰一不要錢二不要官三
不要命次蚤視之每行下添二字不要錢
曰嫌少不要官曰嫌小不要命曰嫌老見
者絕倒

高麗詩

澠水燕談元豐中高麗使朴寅亮至明州
象山尉張中以詩送之寅亮答詩序有甚

面艷吹嫋隣頰青唇之動柔閒陋曲續郢
中白雪之音句有司劫中小官不當外交
使客神宗顧問左右青唇何事皆不能對
問趙元老元老奏不經之語不敢以聞神
宗再諭之元老誦太平廣記云有觀隣夫
見嬾吹火贈詩云吹火朱唇動添薪玉腕
斜遙看烟裡面恰似霧中花隣妻告夫曰
君豈不能學也夫曰汝試吹之乃爲詩曰

吹火青唇動添薪黑腕斜遙看烟裡面恰
似鳩槃茶神宗大笑喜其諺博

勢利詩

朱望子先生勢利詩云看他勢利狀如何
諂笑腰纏與肯脰佳節大盤并大盒良宵
高宴又高歌窮來即便交情絕事到依然
謝禮多更有一般無用處難將書帖送閤
羅不獨可資一噓亦可喚醒愚夫矣

乞巧

代醉篇七夕乞巧其來已久續博物志山東風俗正月取五姓女年十餘歲共臥一榻覆之以衾以箕扇之良久如夢寐或欲刺文繡事筆硯理管絃俄頃乃寤謂之履天卜以乞巧是正月亦有乞巧事然不如七夕瓜果陳列穿針弄絲爲有風致

鄭唐詠諾

駒陰兄記三山士人鄭唐有逸才好譏諑
一老寫真乞題唐題曰精神炯炯老貌堂
堂烏巾白髮龜雀呈祥老人大喜後有讀
之者曰橫讀則精老烏龜也老人毀之有
隸卒乞書門聯唐書其左曰英雄右曰豪
傑卒喜且飲饌乞足成之遂書曰英雄手
執苗竹片豪傑頭簪野雉毛亦含怒後以
歌譏黜儒爲吏口占曰主員黜罷去充吏

不怨他人只怨自絲絲員領都一般只是
頭巾添兩翅開者絕倒

賀啓草詔

文酒清譔李源作四廂太保賀啓云伏惟
太保纔離五都之中便轉四廂之職紫袍
宰地牙笏當胸手持金骨之朶身坐銀交
之椅舊時樞馬只是一箇如今喝道約勾
十人據此威風下稍須爲太尉亦宜念舊

第一莫打長行○宋王德偆編執一士作
詔云兩條脰肥馬趕不前一部髭鬚蛇鑽
不入身坐銀交之椅手執銅鎚之錄翦翠
簾前好似漢高之祖鴛鴦殿上渾如秦始
之皇一應文武百官不許著草履上殿德
被擒士以此詔得免又甲乙剩言載某賀
翰林啟云通籍玉堂帝亦呼庶吉之士校
書天祿人皆稱劉更生俱堪捧腹